



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**Boleng
ba thuto**


2

**Baoki ba lahlile
tsela**

3



A PHUNYA SESO

**Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Ho na le tse ntle Lesotho

Esale re ipotsa hore na batho ba ikarabellang thutong haholo Lekala la Thuto le Koetliso ka bo-lona ha le e-s'o hlokomela ho ritsa le ho felloa ke matla ha thuto ea Lesotho. Ho ile ha etsoa lipheto ho tseo ka mohlomong morero kannete e neng e le ho ntlafatsa le ho khema le lina-ko, empa joale ruri li bakile mathata a fetang le ho nyenyefatsa thuto ka tsela e khethehileng. Ntho e teng mona ea ho fetisa barutoana Likolong tsa Mathomo mane ho tloha ka Sehlopha sa pele. Sena se tliša hore bana ba se tsotelle ho sebetša kathata kaha ba tseba hore joang kapa joang ba tla fetela sehlopheng se latelang selemong se tlang. Taba ena e tlišitse litlamorao tse bosula hobane litichere tse rutang Likolong tse Bohareng le tse Phahameng li lla ka hore barutoana ba bang ba fihla ba sa tsebe letho: ba sitoa feela le ho ngola lebitso le fane, e leng ntho e rutoang Sehlopheng sa Pele koana.

Ntho ena e na le nako joale e etsahala, lilemo-lemo 'me ke hore na ho nkuoe nako e telele hakaalo hobane'ng ho hlokomeloa? Leha ho le joalo, tšepo e teng ea hore ho tla lokisoa ha e le mona bao re neng re ba shebile ba tsoile puo hanong. Ho tla ke ho fetoloe kapa ho khutleloe mekhoeng ea khale haeba e hlokahala le eona. Litichere tse ling li lla ka hore manane-thuto a sebelisoang likolong haholo ho tsena tsa Mathomo h'a arabele litlhoko tsa mehleng ena ea baithuti ho hang. Ho hlakile mosebetsi o sa le mongata ka thutong ka mona, 'me o lokela ho etsoa ka boikittlaetso bohle le makhethe ntle le papali ea letho. Hobane mona re bua ka metheo ea thuto eo ha e ka nepahala hantle lintho li tla itsamaela feela ka thello holimo mane. Le bona barutoana ha ba na ho sokola ha ba fihla Likolong tsa Thuto e Phahameng. Ha ho loke kannete.

Ka lehlakoreng le leng litlaleho tsa morao-rao tsa UNFPA li bontšha ha Lesotho le le tlotsing e kholo ea ho hlokahala ha basali nakong ea bokhachane kapa pelehi. Lipalo tse fanoeng ke tse holimo haholo tse nyarosang motho le ho mo tšabisa ho etela Setsi sa Bophelo h'a kula. A mang a mathata a fumanoeng litsing ke hore ho shebahala baoki ba se ba itšebeletsa ka ho rata, ha ba sa natsa bakuli ba qeta nako e telele ba tonetse mehala ea bona ea thekeng mahlo.

Taba le mona e ntse e le hore ho ke ho hlahlojoe hore na sekolong koana baoki bana ba rutoa joang, hobane joale ekare ho se ho nyehlisitsoe haholo mohlomong ka lebaka la ho ikamahanya le lipheto ho tse teng. Ba ileng ba kena ba re mehleng ea bona mehala ea thekeng e ne e sa lumelloe ho hang; e ne e bolokoa kae-kae ebe ba tla e fumana ka nako e itseng. E le hore ba tsebe ho tsepamisa maikutlo a bona mosebetsing; ho hlokomela le ho buisana le bakuli ka tsela e nepahetseng. Leha lefatše le hliile le busoa ke marang-rang ebile ho khotlaetsoa batho ho a sebelisa, empa joale h'a se a sitisa mesebetsing e meng ea bohlokoa ea bophelo h'a nepahala. Ha motho a sitoa ho laola tšebeliso ea ona, o lokela ho nkeloa likhato ho fokotsa kotsi kapa litlamorao tse bakoang ke seo.

Naha ea Eswatini ka boemeli ba eona e etetse Lesotho ho tla ithuta le ho kopa malebela mabapi le Lefapha la Litsela. Baemeli ba bontšha ha ba khethile Lesotho hobane ba hlokometse tsela e ntle eo lefapha lena le sebetsang ka eona. Hoa thabisa ho bona hore ho na le lintho tse ntle tseo lichaba tse ling li ka li qopitsang naheng ea habo rona, ha rea tuma feela ka ho thusoa mehla ena. Re ntse re hlahella ka litsebo tse ntle le boiphihlelo litabeng tse ling.

Motho o tla ea le maikutlo a batho ba ileng ba re: "Lesotho ha le re hlole," ebile le na le monyetla oa ho phela ka lihlo- liloeng le litsebo tsa baahi ba lona. E hlokahalang ke hore feela litsebo le litalenta tseo li noesetsoe 'me li hlokomeloe hore li re tsoalle namane e tšehali. Rea tšepa lona ba Eswatini le tla tloha koano le fumane tseo le li hlohang, 'me re thabela ho thusa bana habo rona ba Ma-afrika. Hona ha ho ntlafatse feela setsoalle lipakeng tsa linaha tsena tse peli, empa ho boetse ho bontšha bonngoe le lerato tse renang bathong ba batšo. Pela ea pele Lesotho le Eswatini.

MOLIMO A BOLOKE LESOTHO LE BASOTHO

Boleng ba thuto

Nthabeleng Seitlheko

Tlhekafetso ea bana likolong e teng, se lokelang ho etsoa ke ho tšoarela litichere reterete hore li ke li khutlele metsong ea tsona. Litaba tsena li tiisitsoe ke Mookameli oa Sekolo se Phahameng sa Lesia, ebile e le setho sa Mokhatlo oa Baokameli ba Likolo (LES-PA) Mathafeng Moteuli, puisanong le Koranta ka la 12 Pulungoana monongoaha.

Litaba tsena o li bua tjena kamor'a hore Lekala la Thuto le Koetliso le teke tlaleho ea lona ea tšebetso, 'mokeng oa boitlhlalobo o ntseng o tsoelapele Maseru, oa la 12 ho isa 13 Pulungoana monongoaha.

O re ntho eo a e bonang ke hore litichere tsa hona joale tse ling tsa tsona li kena likamanong tsa lerato le baithuti, e leng se etsang hore ba ipotse hore na botho, boetapele ba baithuti bo ritsitse ha bo fihla kae, ho kenyeletsa le thuto e fanoang likolong. O re le bana ba bonahala ba oela lerabeng lena ho bontšang hore batsoali ba khoehlisitse kholisong ea bana.

"Ntho e tjametseng bana ke tlala e 'ngoe e ba khannelang ho iphumana ba oetse lera- beng la ho kena maratong le batho ba baholo." Ke Moteuli eo.

O re bana ba qetella ba amohela sohle, hobane ba bang b'a ikhulisa malapeng a habo bona, batsoali ba ba sia le malapa ho ea fata metsuntsunyane Afrika Boroa.

O ile a teea mohlala ka hore eena sekolong sa Lesia o na le baithuti ba bararo bao motsoali oa bona esaleng a ba sia a ea Afrika Boroa 'me a tšoaroa a il'o batla mosebetsi. O re taba ena e bile ea ba qholotsa hore ba ikopanye e le litichere hore ba hlokomela baithuti ba joalo.

O bontšitse sebaka sa Ha Thetsane ka lebaka la ho felloa ke mosebetsi ha batsoali lifemeng bana ba ikhulisa ka bongata, hobane batsoali ba tšela mohokare ka maoto ba ea naheng ea boahelani ho

ea batla bophelo. O re taba ena e entse hore bophelo ba bana ba bangata bo be tlotsing.

Ho feta mona o supile ha lekala le tšoare ka matla le ho ba kenyeletsa liqetong tse etsoang e le mokhatlo, 'me taba eo e ba nolofalletitse bophelo. Seo a se bonang ke hore litichere li lokela ho ntlafatsoa khafetsa e le hore li nolofalloe ke ho ntlafatsa mosebetsi oa tsona oa kamehla.

Ka lehlakoreng le leng, Mohlahlobi oa Likolo Seter- ekeng sa Butha- Buthe, Dr. 'Makutloano 'Nei o hlalositse e le nako ea hore lekala le itlhlalobe le lokise liphoso moo e bang li bile hona teng hore ba lokise litaba tsa boemo ba thuto kaha e bonahala e theohile. A re ho bohlokoa hore ho ntlafatsoe maano le bahlahlobi ba likolo ba sebetse ka matla ho kenya litaba tšebetsong.

"Ho ea bonahala hore bohlo ba lintho li nyehliile ho latela sephetho sa tšebetso ea baithuti, 'me ba lokela ho tšoara ka matla ho ntlafatsa boleng ba thuto kahar'a naha hore bo khutlele boemong ba bona ba pele ho sa natsoe hore lipheto ho e bile life." Ke 'Nei eo.

Mookameli oa Manane Thuto, Makhube Ralenkoane o re ba tšoare ka thata ho bona hore ha ho tichere e nyelisang baithuti. Litaba tsena li latela hore mongoli e Moholo oa Lekala la Thuto le Koetliso, Ratšiu Majara a hlalose hore har'a liqholotso tseo ba tobaneng le tsona ke litlaleho tse phahameng tsa tlhekafetso ea baithuti. A re liqholotso tse ngata tse ntse li ama thuto ea Lesotho, 'me ba hloka ho ipha nako ea ho nahana ka bokamoso ba bana le boleng ba thuto.

O itse thuto ke senotlolo sa tsoelo-pele, empa Lesotho le loana le mathata a mangata a fokotsang boleng ba eona. O totobalitse hore bana ba bangata ba qeta sekolo ba sa tsebe ho bala hantle kapa ho ngola, ho bontšha hore tsamaiso ea thuto e hloka ntlafatso e matla.

A supa hore Lefapha la Thuto Lesotho le tobane le mathata a mangata, kaha bana ba ntse ba sebetša hampe lithutong tsa ho bala le lipalo. Lipalo tsa naha li bontšha hore bokhoni ba bana bo tlase haholo, 'me liphe- toho tsa baithuti ba bang ka lipalo le lithuto tse ling li le ka tlase ho 50%.

O supile hore baithuti ba bo-

nahala ba sa sebetse hantle lithutong tsa mahlale e leng e 'ngoe ea liqholotso tse matla.

A re leha ho le joalo ba ntse ba etsa boiteko ba ho ntlafat- sa boleng ba thuto, ho kenye- letsa phetoho ea mananeo a thuto, koetliso ea litichere, le tlhahlobo ea tsoelo-pele ea bana. Lekala le ntse le sebetša 'moho le ba amehang ka thuto ho rarolla mathata ana le ho matlafatsa litholoana tsa ho ithuta.

Mananeo a kang Learning Management System (LMS) le thuto e seng ea semmuso (non-formal education) a re- retsoe ho eketsa menyetla ea bana bohle hore ba fumane thuto.

Leha ho bile le tsoelo-pele e itseng, mathata a ntse a tsoe- la pele, kahoo ho ntse ho hlo- kahala tšehetso e tsoelang pele ho netefatsa hore bana bohle ba fumana thuto e bo- leng bo holimo.

Ho sa le joalo, e mong oa Bahlahlobi ba Likolo tsa Likonyana le tsa Mathomo, Seriti Morojele o bontšitse hore qholotso e kholo ke lenane-thuto la khale le sa arabeleng litlhoko tsa bana, tšehetso e fokolang ea batsoali, thuto e fanoang ka ho bapala ho bana ba likonyana.

O re likolo tse ngata li ntse li haelloa ke libaka tsa bohloeki, 'me ho tloha ka selemo sa 2016 ho fihlela hona joale 33% ea Likolo tsa Likonyana naha ka bophara; li ntse li fokola kaha libakeng tse ling ho se likolo ebile ho ntse hona le litichere tse hlohang mangolo.

E mong oa bakhethoa para- menteng, 'Machabana Lem- phane Letsie o itse Lekala le se ke la iphapanyetša ntlafalo ea marang-rang joalo ka Al hore na e ama tšebetso ea litichere joang le thuto ka ka- karetso.

O re leha ho le joalo lekala le lokela ho e kenya tšebet- song eseng le e lahle kaha lefatše le itšetlehile bophe- long ba marang-rang e bile e le bo potlakile haholo. A re lekala le lokela ho hlahlo- ba mekhoe e mecha e ntlafatsang thuto le ipapisitse le lipheto ho tse teng litabeng tsa marang-rang hore thuto e fanoang ebe e arabelang litl- hoko tsa sechaba.



Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

Baoki ba lahlile tsela

Nthabeleng Seitlheko

Ho latela litlaleho tsa morao-rao tsa UNFPA (United Nations Population Fund), Lesotho le ntse le tobane le bothata bo boholo ba lefu la bo-'m'e, moo basali ba 530 ho ba 100,000 ba lahleloang ke bophelo nakong ea bokhachane kapa ea pelehi, 'me ho bana ba 1000 ba hlahang ba phela ba 26. Litaba tsena li hlaheletse thupelong ea mapara-

O itse bothata ke thuto e fanoang likolong e lokelang ho ntlafatsoa; e tlatsetsoe hantle ka mekhoe e nepahetseng ea hore baoki ba fane ka litšebeliso tsa boleng. "Likolo tse koetlisang baoki li lokela ho botsoa lipotso ka mofuta oa manane-thuto ao li fanang ka ona, hobane litšebeliso litsing tsa Bophelo li bohla." ke Motaung eo.

A re matsatsing ana ho bonahala bacha ba baoki ba sebelisa mehala ea thekeng nakong ea tšebetso ho

hore litaba tsena li sebetsoe hobane li ama bophelo bo botle ba sechaba.

O re Litsi tsa Bophelo tsa 'Muso li imetsoe ke bojoalo eleng bosebetsi bo bobe ba bahlanka, ka hoo ba lokela ho matlafatsoa hore ho be le se etsang hore ba be le letsoalo.

"Batho ba lokela ho sebelisa boleng ba thuto ea bona ho ntlafatsa sechaba eseng ho se bolaea ba lebetse thuto eo ba e filoeng, ho hlabisa lihlong ho hlaha boemong bona lefatšeng

O re potso ke hore na thuto e sa fanoa ka tsela e nepahetseng hore baithuti ba etse mosebetsi ka matsoho ka nako e behiloeng? Kapa ha ho sa na likoetliso tse tebileng moo ngoana a pasang hobane lintho li nepahetse eseng a fetisoa?

O tsoetsepele hore ke nako ea hore batsoali ba khutlele mekhoe ea khale ea kholiso le ho tšehetsa bana ba bona ha ba ea mesebetsing, ba ba hopotse boikarabello ba bona le bohlokoa ba ho boloka

O re le bona ke batho joalo-ka bohle ha se tlolo ea molao ho bona motho ea nang le bokooa a e-na le ngoana.

"Ba bang ba hloka hantle le ho pepela malapeng hobane ba tšaba ho ea Litsing tsa Bophelo kapa ba ile ba hobosoa kaha litšebeliso li ntse li na le khethollo." O boletse joalo.

O re ho bohlokoa ho ba hloka ho buelloa hobane lekunutu leo ba lokelang ho le boloka la litaba tsa bona ba sitoa ho le boloka ka lebaka la ho lula ba tsamaea le bathusi ba bona, litsing ho se libaka tseo ba sebetsoang ho tsona. "Rona re karolo ea sechaba e lebet-



mente, ka la 11 Pulungoana monongoaha.

Mohokahanyi oa litabaa tsa bophelo bo botle ba Thari le Thobalano UNFPA (SRHR), Blandina Motaung o hlalositse hore Naha ea Lesotho e hlaha boemong ba bohloko lefatšeng moo batsoetse ba hloka hallang Litsing tsa Bophelo. A re ba ithutile hore bothata ba sena ha se lintlafatso hobane Litsi tsa Bophelo tsa naha ena ke tsa boleng.

A re 90% ea basali e ea Litsing tsa Bophelo ho hlahlojoa nakong ea leeto la bokhachane, ha 88% e leba litsing ho pepela teng empa ba ntse ba felloa ke bophelo. O re taba ena ke sesupo sa bosebetsi bo seng botle 'me ke hore na ba lahlile tsela hokae.

"Litsi tsa 'Muso ebile e le tsa likereke li ne li fana ka litšebeliso tsa boleng empa se makatsang morao tjena li na le bothata bo tšoanang." Ke Motaung eo.

feta ho fana ka bosebetsi eleng se etsang hore litšebeliso li be mpe. "Na nakong ea koetliso ea rona, mehala ea thekeng nakong ea mosebetsi e koaloha hojana, ha ho mooki ea neng a lumelloa ho sebelisa mohala oa thekeng ka tsela efe kapa efe, hobane mosebetsi oa bona ke ho bona hore ba boloka bophelo le ho sebetsa ka matjato." A rialo.

H'a phethela o itse ke nako ea hore ba khutlele litseleng tsa khale 'me ho ntlafatsoe thuto khafetsa hore bophelo ba sechaba bo bolokehe.

E mong oa maparamente, Napo Moshoeshe o hlalositse hore taba ena e ba nyarositse hobane paramenteng ho na le likomiti tse shebaneng le bophelo bo botle ba sechaba. A re lipalo-palo tsena li entse hore a be le letsoalo li bile li mo file pono ea hae hore o tlameha ho susumetsa

hobane bo sitisa ntlafalo ea sechaba le ho tliša tšabo." Ke Moshoeshe eo.

Se seng sa litho tsa paramente, Malelaka Lehohla-Malakane o supile hore taba ena ke e tšoenyang e lokelang ho shejoe ka leihlo le nchocho le ho sebetsoa ka potlako. A re 80% ea bana ba hloka hallang ke palo e holimo haholo kaha ba lahleloa ke palo ea kholiso ea sechaba eleng phoso.

A re mehleng ea khale booki e ne e le pitso empa ka lebaka la tlhokahalo ea mesebetsi le ho sitoa ho lefella bana likolo, bana ba se ba khetha likolo feela hore ebe ba kene sekolo: boholo ba hloka lerato la seo ba se etsang.

"Lekala la Bophelo le loke- la ho mema baoki ba khale ho thakela ba fihlang ka malebela le ho ba tsofola hore ho ntlafatsoe litšebeliso tsa bophelo." Ke Malakane eo.

bophelo ba batho. O re seo se tliša letsoalo hore ngoana ea joalo a fane ka bosebetsi bo botle le ho boloka seriti sa booki.

"Batsoali ba mehleng ena re lahlile boikarabello kholisong ea bana, le ha eba likolo li na le liphoso empa le rona re lokela ho fana ka thuto kholisong ea bana." A li beha joana.

O phethetse ka hore e n'goe ea lintho tse kotsi ke baoki ba sebelisang mehala ea thekeng ho feta ho fana ka litšebeliso tsa bophelo, eleng se etsang bosebetsi bo bholaso. A re boholo ba bonahala letsoalo e le ntho e sieo ho bona.

Ka lehlakoreng le leng e mong oa bacha ba nang le bokooa ba pono, Refiloe-hape Sesinyi o hlalositse hore ba ntse ba phela nakong eo ba tšabang ho ea Litsing tsa Bophelo ha e le bakhachane hobane baoki ba ntse ba makalla taba eo.

soeng, e lahleloang ke bophelo nakong ea pelehi ka lebaka la litšebeliso tse seng ntle, re kopa 'muso o re kenyeletse, o re hopole hobane boholo ba batho ba nang le bokooa ke bahlaki." A phethela tjena.

Moetapele oa Bacha Mokheng oa Basotho (BNP), Moliehi Nkhabu o hlalositse hore bacha ba lebetse boikarabello ba bona, kaha a nyarositse ke lipalo tsa bakhachane ba hloka hallang eleng se bontšang hore ho lokela ho ntlafatsoe thuto.

A re o li'ema ka maoto ho bona ho susumetsa 'muso ho lokisetse hore batho ba nang le bokooa ba fumane litšebeliso tsa bophelo libakeng tseo ba lokolohang ho tsona hobane ba na le litokelo joaloka bohle eseng ba sitoe ho fumana li tšebeliso tsa boleng. O re taba ena ke khatikelo ea Litokelo tsa Mantlha tsa Botho.

MOELETSI O TŠEHETSA BACHA

Tšeliso Thakholi

Morao tjena bacha ba banga-ta ba bonahala ba ntse ba hlahella ka matla a maholo, litabeng tsa khoebo ka litsebo, mangolo a thuto, bohlale ba tlhaho le ka litalenta tsa bona tse fapakaneng ba ithehela likhoebo tse nyenyane ka bonngoe le ka boikopanyo, empa seo bohoho ba bona ba se hlokanang haholo ke tšehetso ea lichelete ho ba qalang likhoebo le ba seng ba ntse ba e-na le tsona ho li matlafatsa. Har'a bacha ba bonahalang ba ikakhetse ka setotsoana ho hlahisa talenta ea hae ea ho etsa likoloi, lithuthuthu, lifofane le meqomo ea lithole ka libotlolo tsa lipolasetiki le lintho tse ling tse ngata ka literata ke Tumelo Ramonaheng oa Ha Thamae, Maseru.

Mohlankana enoa ea nang le talenta e khethileng ea ho etsa lintho tse ngata ka terata, ho bonahala ho etsa likoloi le lithuthuthu e le mpho eo a e filoeng ke Morena Moli-mo hobane e sale a qala ho

etsa likoloi tsa literata ho tloha a sa le monyenyanane haholo lilemong ho ea fihla h'a le Sekolong sa Mathomo le se Phahameng. Ka hona ho etsa likoloi le lithuthuthu ke ntho eo e saleng a e rata haholo hobane ea mo hlabolla le ho mo tlisetsa mokhoa oa ho iphelisa.

LIKOLAI TSE NTLE TSENA U LI REKISA HO KAE?

Likoloi tseo ke li etsang li rekoa libakeng tse fapakaneng kahare ho Motse-Moholo Maseru. Mohlala tse ling ke li rekisa mapatlelong a teropo, matlong ana ao ho lulang makhooa le Basotho Maseru West. Ngoahola pele ho Keresemese ka Tšitoe ke se ke ile ka ba lehlohonolo la ho rekisa tse ling ho a mang a mabenkele a maholo kahare ho naha.

Ho feta mona bohoho ba tsona ke li rekisa Likolong tsa Mathomo le tsa Likonyana. Mathoasong a sele-mo sena, ke ne ke ile ka qapa sethuthuthu sa pele sa mofuta oa sona seo ke neng ke se hoketse lithapo tseo ke neng ke entse hore se khantše bosiu, 'me ke ile ka se rekisa M1,200.00 ho moeti e mong oa mohahlauli ea neng a etsoa Naheng ea Amerika a se bona moo ke neng ke ntse ke se bapatsa

ho marang-rang.

NTLE HO LIKOLAI NA U NA LE TALENTA E 'NGOE?

Ho joalo ntate. Morao tjena ke boetse ke sibolotse talenta e ncha haholo ea botaki. Litšoantšo tseo ke seng ke qalile ho li etsa ke tse ka sebelisoang libakeng tse fapakaneng tse kang ka matlung, likoloing, Likolong tsa Mathomo; tsa Likonyana, likhoebong le likerekeng.

LIQHOLOTISO KE LIFE?

Har'a liqholotso tseo ke kopanang le tsona ke tlhokahalo ea thepa kaha batho ba bangata ba rata lihlahisoa tsa ka, 'me ba li reka ka bongata ebe li fela kapele kaha ke hlahisa palo e nyenyane haholo. Tlhokahalo ea moo ke sebeletsang teng kaha hajoale ke ntse ke sebeletsa lapeng heso Ha Thamae, 'me sebaka seo ke sebeletsang ho sona se senyenyane haholo. Khaello ea kutloisiso ho batsoali ba ka ka mosebetsi oo ke o etsang, 'me sena se tla etsa hore ke sitoe ho iphelisa ka talenta ea ka.

Qholotso e 'ngoe e kholo eo ke kopanang le eona ke ea hore leha ke rekisa koloi kapa sethuthuthu sa literata ke fumana chelete e sa lumellaneng le boleng ba se-

hlahisoa sa ka. Lebaka ke hobane batho ba bang ba lumela hore ho etsa lihlahisoa tsa literata ke ho itlosa bulutu feela. Ntlha ea ho qetela eo ke reng ke ea tse ling tsa liqholotso ke hore batho ba sa ntse ba nka khoebo ea ka e le ntho e kang bosoaso.

Ebe ba mpha mosebetsi oo ba o batlang ka letsatsi le le leng kapa a mabeli feela o le mongata. E re ha ke ba kopa ho ekeletsoa matsatsi, e le hore le 'na ke tle ke tsebe ho etsa lintho tse ntle e ba ke moo ba ngalang. Ka nako e 'ngoe ha ba ke ba ntjoetse hore ba se ba ngalile e be ke sala ke etsa thepa, e re ha ke se ke isa ba re ke liehile ha ba sa e batla. Ka lehlohonolo e atisa ho rekoa ke batho ba bang.

LIQHOLOTISO LI AMA MOSEBETSI OA HAU JOANG?

Liqholotso tse kang tsa ho hloka thepa ke tsona tse amang mosebetsi oa ka haholo kaha ka linako tse ling lihlahisoa tsa ka li lieha ho fihla ho baji ka nako. Empa haele tsa batho ba ngalang ka 'nete ha li o ame hobane ke li rekisetsa ba bang. Ho feta mona, mosebetsi oa ka oa ho etsa likoloi tsa literata le meqomo e tšelang lithole ka libotlolo tsa lipolasetiki o monate ho feta mesebetsi

eohle. Joale ke kenyelelitse le botaki. Ke kopa Basotho hore ba ntšehetse ke tsebe ho hola hobane ha ke batle ho hiroa ke batla ho itšoarela ka matsoho.

TORO EA HAU KE EFE?

Ke lakatsa ho iphumana ka letsatsi le leng khoebo ena ea ka e holile, ke se ke hlahisa likoloi tse 'nete tsa mofuta oa tsona tse etsoang Lesotho mona feela. Selomong se tlang ke batla ho ea sekolong sa mosebetsi oa matsoho, ho ea ithuta ho etsa likoloi e le ho tla ntlafatsa khoebo ena ea ka, ho feta mona moo e teng ke ntse ke sa siie morao ea botaki.

KHOTHALETISO EA HAU HO BACHA KE EFE?

Ke khotaletsa bacha bohle ba nang le talenta ho sebetsa ka thata ho holisa le ho ntlafatsa litalenta tsa bona. Bacha ba ka ratang ho tseba haholoanyane ka talenta ena ea ka e ncha ea botaki le ho etsa likoloi ka literata mamati a butsoe. Empa ke rata haholo bacha ba ka thabelang hore re ikopanye ka litsebo tsa rona tse fapakaneng ho ka theha koporasi e kholo e ka hlahisang mesebetsi. Hajoale re sa ntse re sebetsa re le babeli feela.



A phunya seso

Nthabeleng Seitlheko

Mokhethoa oa Matala Maseru, Dr. Tšeliso Moroke o re mathata a naha ena a qala le ho fella paramenteng kaha bothata bo boholo e le tšebetso le liphelelo tsa mekha le makhotla a lipolotiki (party line) e leng sona se seholo ho feta lira tsohle tsa naha ena. O boletse tsena, ka la 11 Pulungoana monongoaha.

H'a hlalosa litaba tsena kopanong ea maparamente le Mokhatlo oa UNFPA, o itse leha ba ka bona e le batho ka bo-mong hona le



mathata a hlohang ho raroloa ka matla 'moho le toantšo ea bobolu har'a tse ling, taba ea liphephetso tseo ba lokelang ho sebetsa ka tsona kahar'a mekha ea bona li ba raha maling a mpa.

"Ha feela maparamente a sebetsa tlasa sekhele seo ha ho moo naha e tla ea teng, etsoe sechaba se le hore le ho utloisisa tšebetso ea ona." Ke Moroke eo.

O re naha ena e hla-setsoe ke lintho tse ngata joaloka bobolu bo lokelang ho loantšoa hore bophelo ba sechaba e be bo nepahetseng empa hoa bona-hala hore lintho tse ling li iketsetsoa feela, ho lebetsoe ka bophelo ba sechaba.

Ka lehlakoreng le leng Mokhothu Makhalanyane, o hlalositse hore liketsahalo tse sitisang kholo ea naha ena ke tsela eo lipolotiki tsa eona li bopiloeng ka eona, hoo sechaba se hopolang hore mosebetsi oa maparamente ke ho boloka bafu ha ba lokela ho sebetsa paramenteng ho etsa melao.

"Re sitoa le ho bona hore naha e tsoelapele hantle hobane ha re lokela ho sebeletsa sechaba, ba bang ba maparamente ba sia tulo

ka lehare e be qetellong ba ntse ba itsetela sechabeng." Ho rialo Makhalanyane.

O re leha ba ka leka ho sheba litaba tsa sechaba ka tsela e nepahetseng, ka lebaka la tsamaiso ea mekha le makhotla ka paramenteng ba tobana le bothata hobane a mang a maparamente a iketsetsa borata.

"Bobolu bo hometseng naha ena bo bongata, 'me bo ama kholo ea moruo oa naha." O boletse joalo.

Ho sa le joalo, Motsamai oa Lipuisano Ntlong ea Bakhethoa, Mohlomphehi Tlohang Sekhamane o hlalositse hore maparamente ke ona a lokelang ho qekisana ho etsa mosebetsi le ho thusa hore moo e bang ba tsoa sechaba tlaase ho



be le lipuisano e seng ho fihleloe tharollo ka lintoa.

"Paramente ea 11 ke eona tšepo ea ho qetela ea sechaba, ha ho sa sebeletsoe hore ho arabeloe litlhoko tsa sona, boholo ba batho ba t'l'o lahlehela ke tšepo le ho ooa moea." Ke Sekhamane eo.

O re taba ea liphelelo tsa mekha le makhotla a lipolotiki paramenteng ke taba

e bakang molikoa-likoane, kaha e lahlisa paramente matla a eona.

"Kaha ho se motho ea hlohang bobolu, ba lokela ho loma molomo o ka tlaase ba bue ka eona." A hlalosa joana.

O itse le hoja maparamente a batla ho lahla mosebetsi oa ona, ba lokela ho matlafatsoa leha ba na le liphelelo tsa mekha ea habo bona ba hloee bobolu, eseng eka ba koaloa molomo. A re ba bonang liphoso ba lokela ho se loane empa ba buisane; litaba li otlolloe hantle.

H'a phethela o itse maparamente a tlameha ho rapelana hore ba qetelle ba tšohla litaba tse tebileng tse amang sechaba e le hore litulong tsa bona tsa kamehla ba bone hore litlhoko tsa sechaba li'a arajoa.

Eswatini e nka malebela Lesotho

Nthabeleng Seitlheko

Lekala la Mesebetsi e Mehlo ea Sechaba le Lipalangoang le hlahleletse boemeli ba Naha ea Eswatini ka malebela a tla thusa ho theha lefapha la litsela naheng eo. Litaba tsena li bile 'mokeng oa baphatalalatsi ka la 11 Pulungoana monongoaha.

Sepheo sa 'moka ona e ne e le hore boemeli ba lefapha la litsela ba Naha ea Eswatini bo tliile Lesotho ho tla kopana le ba ikarabellang ho ba hlahlella ka malebela mabapi le ho theha lefapha la litsela le ikemetseng naheng ea habo bona.

Mongoli e Moholo oa Lekala la Mesebetsi e Mehlo ea Sechaba le Lipalangoang, Tšepang Koele o bontšitse hore sepheo sa mantlha sa kopano ena ke ho arolelana maoa har'a tse ling. Koele o boetse a supa hore boemeli ba Eswatini bo tliil'o okha maoa a ho theha lefapha lena naheng ea habo bona kaha ho ntse ho se na setsi se ikemetseng

se shebaneng le khaho ea litsela ka ho otloloha.

"Mohato ona oo Naha ea Eswatini e o nkileng ke oa bohlokoa hoba litsela ke mokokotlo oa naha e 'ngoe le e 'ngoe, 'me ha lefapha lena le sebetsa le kopane le a mang ha ho bobebe hore tšebetso e phetheloe ka potlako joalokaha le sebetsa le ikemetse." O hlalosa joalo.

H'a phethela o tiisitse boikemisetsa ba Naha ea Lesotho e le ho tsoelapele ho aha maqhama a setsoalle a sa thakeseleng le Naha ea Eswatini e le hore bobeli ba linaha tsena li fihlele moreo oa tsona oa ho sebeletsa

sechaba ka boitelo.

Molula-Setulo oa moifo oa Eswatini litabeng tsa boithuto ba ho theha lefapha la litsela le ikemetseng, Smanga Mamba o bontšitse hore Lesotho le bonahala le hatetse pele haholo kahong le ntlafatsong ea litsela ke ka hoo naha ea habo e bileng le khahleho ea ho tla etsa boithuto mabapi le ho theha lefapha la litsela le ikemetseng.

Mamba o re litsela li bohlokoa haholo hobane li bebofaletsa baahi maeto le ho ba thusa ho fihla litšebelatsong ka nako, ke ka hoo ho leng bohlokoa hore linaha tsohle li be le lefapha

la litsela le ikemetseng le sa kopanngoa le mafapha a mang.

"Re na le tumelo e fetseng ea hore re tla tloha mona re khotse litholoana tse molemo, tse tla thusa naha ea habo rona ho theha lefapha lena ka thello esita le ho ithuta mahlale a tla re thusa ho hlola liqholotso tseo re tlang ho tobana le tsona." O li beha tjena.

Ofisiri Lekaleng la Lipalangoang Naheng ea Eswatini, Nhlanhla Hlatjwako o hlalositse hore tse ling tseo ba nang le tjantjello ea ho ithuta ka tsona mabapi le ho thehoa ha lefapha lena ke melao le melaoana e

tsamaisang lefapha, esita le maoa 'ohle a ka le thusang hore le fihlele meralo ea lona ka katleho.

A re ketelo ena e boetse e bohlokoa mabapi le ho ntlafatsa setsoalle lipakeng tsa linaha tsena kaha Lesotho le ba amohetse ka liatla tse mofuthu le bile le le malala-a-laotsoe ho ba arolela leseli tsamaisong ea lefapha lena.

A tšepisa hore ba tla sebelisa thuto eo ba e fumaneng ho aha lefapha la litsela le nang le ponaletso le boikarebello ho arabela litlhoko tsa sechaba esita le ho ntšetsa meralo ea bona pele.



Lesotho le theola litšoaetso



Nthabeleng Seitlheko

Tlaleho e sa tsoa phatlalatsoa ea 2024 State of the HIV Epidemic in Lesotho, e bontšitse hore Lesotho ke e 'ngoe ea linaha tse hlano lefatšeng tse atlehileng ho fokotsa litšoaetso tse ncha tsa HIV ka 75% ho tloha ka selemo sa 2010 ho isa mofelong a ngoahola. Litaba tsena li hlaheletse 'mokeng oa bo-ralitaba oa la 7 Pulungoana monongoaha.

Motsamaisi oa Mananeo Tiisetso Piet, o hlalositse hore karolo ea batho ba phelang le tšoaetso ea HIV e theohile ka 32% ka selemo sa 2010, ha ngoa-

hola e ne e le 17.1%. A re sekahla sa tšoaetso ea HIV se theoha ha motho hloka hahla ha batho kapa kholo ea sechaba. Komisi ea Naha ea na le tšoaetso tse ncha tsa HIV selemong sena. Piet o re litšoaetso tse 14. A re ho boetse ho tla ba le ente ea likhoeli tse tšeletseng e tla sebeli-



a tšepahalla litlhare. A re ba belaela ho theoha ha lipalo e kaba taba ea ho HIVAIDS (NAC) e re ke leshano hore ke bacha ba 28 000 ba fumanoeng ba ncha tsa selemo sa 2024 ke feela 3, 200, 'me palo ena e kenyetsetsa bacha le batho bohle ba lilemo tse fapakaneng. Palo ena e theohile ho tloha ho 4,800 ka selemo sa 2023.

soa ho thibela tšoaetso ea HIV, 'me ho tla shejoa sechaba se batlang se le tlokotsing joaloka basali le baroetsana.

Ha Thakane Kotelo, ho hlaha Mokhatlong oa Phelisanang Bophelong a ipilelitse ho mekhatlo ho nka ka sekaja ho lebisa litšebeletso kahar'a sechaba e le ho thusa hore tsoelopele e be teng.



ESTATE NOTICE
Notice in terms of section 61(b) of Administration of Estates and Inheritance Act No.2 of 2024;
Estate Late MAHLOMOLA NEFTHALIE KOSE EG98/2025
Notice is hereby given in terms of section 61(b) of the Administration of Estates and Inheritance Act No.2 of 2024 calling upon all creditors of the deceased to lodge their claims with the administrator of the deceased's estate within thirty (30) days of this publication.
The address at which the said claims can be lodge is mentioned hereunder;
NAME: 'Mapoloko Mary KOSE (**ADMINISTRATOR**)
ADDRESS: Ha Moshati
Quthing
Box 45
CELL NO. (+266) 5374 3989

LesREN e tla ka ho ho cha



Nthabeleng Seithleko

Mokhatlo oa Lesotho Research and Education Network (LesREN) ka kopanelo le Paradigm Initiative, e tsoile letšolo ho tšohla maoa a macha a ka sebelisoang litabeng tsa pokello ea bafuputsi kahar’a naha. Litaba tsena li boletsoe ke Mookameli oa

LesREN, Letsatsi Lekhooa puisanong le Koranta ka la 11 Pulungoana monongoa-ha.

O re sena ba se etsa kamor’a ho hlokomela hore bafuputsi ba naha ena ba sebetsa ba arohane hoo le lingoloang tsa bona kapa mesebetsi ea bona e sa eloeng hloko. O re kaha ba hloka naha e nang le kholo litabeng tsa thuto ba bone ho le bohlokoa hore ba kopanye litheko le bao ho

hlahllelana ka malebela. O re ha se feela litaba tsa bafuputsi empa ba tla boela ba kopanya litheko ho bona hore litsi tsa thuto e phahameng li hokeloa ka marang-rang hore bacha ba atlehe ho ntlafatsa litsebo tsa bona. O ile a tea mohlala ka Sekolo sa Leloaleng se fumanehang Seterekeng sa Quthing, moo a itseng khokelo ea sona e’a fokola. O tsoetsepele hore ntle le moo ba tla bona hore na bafuputsi ba ba le kopano joang le ba linaha tse ling, le litsi tsa likolo tsa thuto e phahameng tse sebetsang ‘moho ha ho bonolo hore naha e etse meralo e ka e thusang ho tsoelapele hobane liphuputso li fokola. Letsatsi o hlalositse bohlokoa ba bafuputsi e le ho thusa ho etsa liphuputso ka litaba tsa sechaba ebe li ngoloa fatše ho thusa ntlafalong ea pokello ea meralo hore e etsoe ho ipapisitsoe le lingoloa. O re taba ena e bohlokoa kholong ea moruo oa naha, ntlafalo ea mer-



alo le ho thusa hore naha e shebe hantle moo taba-khola e leng hona teng. H’a phethela o itse har’a litaba tse ling mokhatlo oa habo o tla sebeletsa ho bona hore ba kenya letsoho ka matla litabeng tsa pokello ea lipalo-palo ho thusa naha ho sebetsa e ipapisitse le maano le liphetofo. Mookameli oa Mokhatlo oa Paradigm Initiative Southern Africa, Chiti-Mbizule Mutati o hlalositse hore mokhatlo oa habo o she-

bane haholo le ntlafalo le khokelo ea marang-rang, ba shebile hore sechaba se be le kutloisiso tšebeliso ea marang-rang le hore na a sebetsa joang. O re ha joale re phela lefatšeng leo batho bophelo ba bona bo itšetlehileng ka marang-rang empa bohologo ha ba utloisisi mekhoea e bolokehileng ea tšebeliso ea ona. A re ba hloka ho fana ka thuto sechabeng haholo ho kenyeletsa baphatlalatsi kaha ba lokela ho utloisisa litaba tse ngata hore ba tse-

Mahlaseli e loma bebebe

Nthabeleng Seithleko

Setsi se Nepahetseng sa Taolo ea Tšebeliso ea Mahlaseli (Radiation Protection Agency) se re se lomme bebebe ho sireletsa bophelo ba sechaba khahlanong le tšebeliso e mpe ea lithepa tse ntšang mahlaseli a amang bophelo ba batho. Litaba tsena li hlaheletse ‘mokeng, oa la 10 Pulungoana monongoa-ha.

Mookameli oa setsi sena, Mqekela Khesa o hlalositse hore ba qalile tšebetso ka khoeli ea Pherekhong monongoa-ha e le hore setsi sena se netefatse hore lithepa tse hlahisang mahlaseli li bolokoa ka nepo le ho tsamaisoa ka nepo li sa behe bophelo ba sechaba le tikoloho tloko tsing. O re kaloso etsa bonnete ba hore ha ho thepa e ntšang mahlaseli e tla kena kahar’a naha ka thoko ho tumello ea bona le International Atomic Energy Agency (IAEA). A re ho thusa taolong ea lisebelisoa kaha ha ho se na taolo ea mofuta oo oa lisebelisoa ho ka hlahisa sechaba kotsi. O re Naha ea Lesotho e ne e saletse morao ho fapana le linaha tse ileng tsa kenya mosebetsi ona taolong hore bophelo ba sechaba bo bolokehe, ke ka kopano ea bona le mokhatlo ona ba

tlang ho thakela baetapele ba sechaba ka bohlokoa ba ofisi ena e le hore e tsebe ho fumana tšehetso. O re ba tla boela kamor’a likopano le matona ho ba le likhothaletso tse tla thusa ho tataisa hore naha e phamolele litaba tsena holimo. O re tebello ea bona ke hore ‘muso o lemohe bohlokoa ba ofisi ea habo e le ho ba nolofaletsa mosebetsi le ho thusa hore qetellong ba tsebe ho kenya linala mobung ba tsamaisana leoto le leng le bona. O itse ba lokela ho sebetsa ba ikemetse e le hore ba hloke tšusumetso ea mang kapa mang e ka silafatsang setsi sena hore ba tsebe ho etsa mosebetsi. O supile hore bohloko ba mahlaseli ana, ke ntho e kotsi hobane ha e utloahale ka monko kapa ho tšoareha ‘me boholo a sebelisoa Litsing tsa Bophelo, likon-

terakeng le merafong ‘me e lokela ho lula sebakeng seo e sireletsehileng moo e ke keng ea e-ba le khahlamelo ho mang kapa mang. A re har’a tšebetso ea bona ke ho bona hore libaka tseo ho behoang lithepa tsa mofuta oo li hlahlobiloe, esita leha li fetoloa ke beng ba tsona ho tsejoe ho hlahlojoe. A re ha motho a sebelisitse thepa tebello ke hore a lumellane le morekisi oa eona hore e khutlile moo e rekiloeng, ebile e tsamaisoa ka litsela tse nepahetseng. H’a phethela o re karolo ea lithepa tse ling e ntša mahlaseli nakong ea matsatsi a supileng, ha e ‘ngoe a eona a tsoa ha feela e hoketsoe motlakaseng ‘me basebelisi ba lithepa tsena ba lokela ho koetlisoa ka nepo hore qetellong ho se ame bophelo ba sechaba. Mookameli oa Mohlahlobi oa Maano, Mojalefa Sello



o itse lithepa tsena li lokela ho sireletsoa le ke maano a naha ho thusa hore li tle li se ke tsa sebelisoa hampe ke batho le ho boloka bophelo ba tikoloho le sechaba. O re libakeng tse ling moo ba seng ba entse tlhahlobo ba fumane hore mofuta ona oa lithepa ha o’a bolokoa hantle, ha libakeng tse ling o bolokiloe hantle. A re ho latela tsela ea bona ea tšebetso ba lokela ho loma bebebe ho bona hore batho bohle bao mesebetsing ea bona ho nang le mahlaseli ho sebetsoa ka tsela e nepahetseng. A re ha joale kamor’a ho tsoara ka matla ho se ho na le taolo ea lithepa tse joalo malibohong e le ho thusa hore li se kene le ka khorona tsa matsa. A re batho ba ka kenyang thepa e joalo ka litsela tse sa nepahalang ba tla tobana le kotlo tse matla ho latela molao o ba tsamaisang.

O tsoetsepele hore ba tsoere ka thata ho bona hore litaba tsa khokelo ea marang-rang le ntlafalo ea maano a linaha li thusa hore batho ba sireletsehe marang-rang le mekhoea e bolokehileng ea tšebeliso ea ona. A re litokelo li lokela ho hlompheha mafapheng ohle le ho sireletsa litaba tsa batho ka bo-bona. Ho sa le joalo e mong oa baphatlalatsi ba bileng ‘mokenkeng ona, Keletso Nyareli o bontšitse hore Naha ea Lesotho e sa na le sekheo litabeng tsa polokeho ea bophelo ba batho marang-rang hobane ha ho melao e seng e fetile ho sireletsa batho. A re le maano a bonahala a nka nako e telele ho etsoa le hoja lefatše le se le fetohile motsana ka lebaka la marang-rang.

O re ho salla morao ha naha linthong tse ngata ho etsa hore qetellong ba etse lintho ba le tlasa khatello, eleng se ka bang kotsi hobane ka linako tse ling melao le maano li ka fihla ho se ho senyehile haholo. A re ha joale tšebeliso ea marang-rang kahar’a naha e ntse e le ntho e sebelisoang hampe hobane batho ba haelloa ke thuto. O ipilelitse ho baphatlalatsi ho tsoara ka thata litabeng tsa ho fana ka thuto ka marang-rang molemong oa kholo ea sechaba.

Tseba boemo

ba hau u

alafshoe

Ba hopola masole a mehleng



Tšeliso Thakholi

Ele ho hopola masole a neng a oe moleng oa ntoa le peho ea lihlobo fatše ea lintoa tse peli tsa lefatše, Motlotlehi Letsie III, a tlatsitsoe ke Tona-Kholo Samuel Matekane, Mot-samaisi oa Lipuisano ka Paramenteng Mohlomphehi Tlohang Sekhamane le baemeli ba linaha tse nang le setsoalle le Naha ea Lesotho ba ile ba etella sechaba pele ho beha meqhaka Sefikeng sa Makoanyane, Maseru ka Sontaha sa la 9 Pulungoana 2025.

Lintoa tsena li loanne ka lilemo tsa 1914 ho isa ho 1918 le 1939- ho isa ho 1945. Tona-Kholo Samuel Matekane o ile a latela Motlotlehi Letsie III ka ho beha moqhaka ea nt'o ba Mookameli oa Ntlo ea Mahosana Mohlomphehi Tsukutlane Au, a hlalangoa ke Motsamaisi oa Lipuisano ka Paramenteng Mohlomphehi Tlohang Sekhamane. Kamor'a hae ho tllile bahlomphehi ba bang ka tatellano ea bona le baemeli ba linaha tse nang le setsoalle le Lesotho ba ile ba isa hlompheho le bona ho ba oeleng moleng oa ntoa tsena tse peli.

H'a hlalosa lehlakore la Basotho lintoeng tsena tse

peli tsa lefatše, Colonel Sakeng Lekola o itse Lesotho joaloka linaha tse ling tse bileng le seabo lintoeng tseo le ho hopola peho ea lihlobo fatše, e keteka sehopotso sena selemo le selemo e le hore ho se lebaloe ntoa eo e mahlonoko e kileng ea eba eona ea pele e fetang tsohle e ileng ea kupa lefatšeng. A re har'a masole a Lesotho a kaholimo ho 21,463 ba fetang 1,105 ba ile ba oela moleng oa ntoa.

E mong oa mekaubere e loanneng, ntoeng ea bobeli ea lefatše, Corporal Lekena Sematlane o hlalositse hore ke tlotla e kholo ho bona hore ebe 'muso o ntse o hopola ba ileng ba oa moleng oa ntoa le bo-mphato'a bona. A re kamehla ha ho iloe ntoeng, ho na le ba tla sala hobane e le ntoa empa a isa matšelisano ho malapa ohle a ileng a lahlehela ke baratuoa ba bona lintoeng tseo.

A thetha ka hore ke ka meketjana ea ho beha lihlobo fatše ba kopanang le bo-mphato'a bona ba neng ba ile ntoeng le bona. A re leha ba bangata ba se ba le sieo, ke tlotla ho bona hore ba ile ba emela naha lintoeng tseo tse peli.

Lipalo li bontša hore ke masole a ka bang 190 a neng a ntse a phela kamo-

ra lintoa tsena, empa ba ile ba 'na ba timela ba se ba ntse ba le kahar'a naha ho fihlela ho sala ba bane feela hona joale ba ntseng ba phela e leng Bo-Sergeant le Bo-Corporal Mokhejane



Khaile oa Masianokeng, Sematlane Lekema oa Ha Leqele, Tumeli Pule oa Thaba-Phechela le Letete Letete oa Hlotse.

Ho ea ka nalane ntoa ene e ile ea qaleha lipakeng tsa Serbia le Austria, 'me Basotho ba loanne lintoeng tse ngata tse ahang ea ho sireletsa Egypt nakong ea Mojeremane Field Marshall Rommel a neng a e hlasetse. Masole a Lesotho a boetse a kenya letsoho ka mokhoa o toma ho lelekisa Hitlalaro ho fihlela a ntšitsoe Naheng ea Italy, 'me ba bile teng ho fihlela Majeremane a inehetse ka Motšeanong 1945. Ha linaha tsa lefatše li lumellana ho emisa Ntoa ea Pele ea Lefatše, molemong oa khotso le botsitso e ne e le ka hora ea 11:00 ka la 11 Pulungoana 1918. Ntoa ea bobeli ea lefatše eona e felile ka 1945.

Lesotho mona masole a ne a sa loanele feela tokoloho ea lichaba tsa lefatše empa a ne a loanela seriti le boikemelo ba bona e le sechaba le majalefa a naha

ena eo ba e sietsoeng ke baholo-holo ba bona eo ba e rekileng ka theko e thata e leng mali a bona. Tšebeletso ena e ile ea tlotlisoa ka lipina tsa koli-ea-malla ke sehlopha sa 'mino sa sesole le lipina tsa liphala li letsoa ke Sesole sa Lesotho.

Ho sa le joalo, mekaubere ea Sesole e seng e le pholong le balekane le bana ba masole a seng a hlokaetse tikolohong ea Mazenod, ha e'a ba mekhelo ketekelong ena ea letsatsi. Tsena li bile 'mishoneng oa Mofumahali oa Lefaatše moo litšebeletso li ileng tsa qala ka Sehlabelo se Halalelang sa 'Missa.

Fr. Patrick Khali Khoele OMI h'a qala tšebeletso eo o itse litaba tsena li etsahala ka nako eo kereke e hopolang bohle ba hlokaetseng khoeli ena ea Pulungoana kaofela ha eona, ka hoo taba ena e bohlokoa hore ebe le masole ao a oeleng moleng oa Ntoa ea Pele le

ka hore ho rapelloe bohle ba oetseng moleng oa ntoa tseo tse peli, ke ka hoo letsatsi lena le bang ka Sontaha.

Major Ranthumo lebitsong la mekaubere ea tikoloho ea Mazenod o itse ba etsa sena ho tla rapela le phutheho ho hopola bao ba lintoa tseo tse peli, ho latela tumello ea Molaoli oa Sesole sa Lesotho Lieutenant General Mojalefa Letsoela hore mekaubere hohle moo e leng hona teng le balekane le bana ba masole a seng a hlokaetse ho keteka letsatsi lena le baetapele ba bona moeeng liphuthehong ka ho fapakana.

A re joalokaha ho se ho hlalositsoe pejana ba tllile koano ho tla hopola bafu bohle ba bona e le bakriste, le ho rapella bohle ba ntseng ba le tšebetsong le mekaubere ea Sesole sa Lesotho le sechaba ka kakaretso. A re taba e kholo hape ke ho tla rapella khotso kahar'a





LAND
ADMINISTRATION
AUTHORITY

NOTICE OF LOST LEASE

NOTICE is hereby given that we intend to apply for a certified copy of a registered **Lease** to immovable property registered Under No. **13283-051** on the 23rd December 1981 in favour of **cooperative Lesotho limited** in respect of every right or interest on the building and other developments express or implied in certain Plot No. **13283-051** situated at **Cathedral area Maseru Urban Area** plot **13285** as held by Chief Surveyor.

All persons having objection to the issue of the said copy are requested to lodge such in writing to the Land Registrar **within three weeks** from the last publication of the notice.

ADDRESS:

Land Registrar
Land Administration Authority
Lerotholi Road
P.O.Box 11856
Maseru 100

APPLICANT'S NAMES AND ADDRESS:

Boliba Savings Credit
Coop Lesotho Stores
Off Main South One
Cathedral Area
Contacts: 58779549/56702016



TSA KEREKE

Ba ntša CD e ncha

Tšeliso Thakholi

Barumuoa ba Kopano ea Maobla-ta a Maria ea se nang Sekoli ba ipabolang ka tsela e kheth-ehileng ka talenta ea 'mino, e leng Fr. Charles Phoofolo



OMI le Fr. Selbourne Pita OMI ba ntse ba hlahella ka matla a maholo selika-liko-eng sa 'mino oa bolumeli, ka ho nyakalatsa balumeli le barati bohle ka 'mino oa bolumeli ka ho ntša letlapa le lecha le mathemaloli le bitsoang 'Motšehetsi oa ka.' Barumuoa bana ba Mao-blata ba qalile 'mino e le boitlhabollo nakong eo ba neng ba lula 'moho limis-honeng tse kang St. Rose Peka, St. Charles Seboche le Maria 'Mabasotho Oblate Pastoral Centre Maseru. Ka seoa sa COVID-19 nakong eo ho neng ho thibetsoe motsamao oa batho, talenta ena ea 'mino e ile ea hla ea iponahatsa ka ho bona, litšebeletsong tsa Sehlabelo se Halalelang sa 'Missa ka Paseka, nakong eo ba neng ba rapella 'moho le bakriste pheko ea seoa COVID-19. Ka ho khetholoha talenta e ile ea iponahatsa ha ba bina lipina tse peli ka bokheleke bo boholo, e leng 'Molimo o s'a utloile' le 'Ke lena letsat-si le entoeng ke Morena'. Ba bang ba bakriste ha ba utloa monate ona oa 'mino ba bile ba khothaletsa bah-lanka bana ba Molimo ho ea hatisa lifela le lipesalema. Matlapa a bona ao ba seng b'a ntšitse a mabeli e leng 'Naleli ea Tloutle' le le le-cha la 'Motšehetsi oa ka'. Fr. Selbourne o re la Naleli ea Tloutle leo ba ileng ba le ntša ka selemo sa 2022 ke le tlotlang Fr. Joseph Ger-ard ea Lehlohonolo senat-la sa tumelo, 'me e qapiloe ka makhethe a hlollang ke Fr. Phoofolo. "Ke hona let-

lapeng lena re boetseng re tlotlang linatla tsa tumelo tse kang Bishop Allard OMI, Br. Bernard OMI le Fr. Joseph Gerard OMI ea Le-hlohonolo, e leng bona ba jetseng tumelo e Katholike mona Lesotho." A rialo. O re Naleli ea Tloutle

morero o mong o moholo oa eona e ne e le ho leka metsi ka lere, ka ho tseba-hatsa 'mino oa bona le ho bona hore na ba ka fela ba o besa oa tuka 'minong oa bolumeli. O re CD ea bona ea 'Motšehetsi oa ka' e tše-tse lipina tse monate tse 11, tse bopiloeng ka lifela tsa Kereke e Katholike le lipesalema. O re pina ena ea 'Motšehetsi oa ka' e qapiloe ke Fr. Phoofolo h'a ne a keteka lilemo tse leshome e le mo-prista ka selemo sa 2020. "E ile ea 'na ea butsoa ha re ntse re kenyetsetsa mantsoe a hore Morena o bile le 'na ho tloha khale, oa ntširelet-sa Morena." A rialo. O re ka-hare ho CD ena ho tšetsoe lipina tse kang: Ahe Maria,

le ka matla batho bohle e seng Makatholike fela. O re 'mino o bohlokoa ha-holo habane o thusa batho ho rapela."Batho ba mefuta eohle ha ba thabile kapa ba imetsoe b'a bina ho fumana matla. Kerekeng ea habo rona, re rutoa hore phuthe-ho le sehlopha sa libini ba tšoanetse ho bina hammo-ho." O boletse joalo a bile a eketsa ka hore ha re sa bine litšebeletsong tsa Kereke, re lahlehelo ke manoni a maholo a fuperoeng ke 'mino hobane re ntse re ka utloa lentsoe la Molimo le ho amohela Eukariste e Ha-lalelang, empa re tla be re lahlehelo ke boholo ba mo-elelo oa ho rorisa Molimo ka thabo. O re pina ke sesupo sa thabo, 'me Sehlabelong se Halalelang sa 'Missa ke mokete oa lefu le tsoho ea Morena oa rona Jesu Kriste ea re hloletseng lefu le hore boelanya le Molimo. "To-komane ea Seboka sa Bo-beli sa Vatican e buang ka litšebeletso tsa Kereke, e re 'mino o halalelang o kopant-soeng ke mantsoe ke ona karolo e hlokalalang haholo le khubu ea litšebeletso tse mahlonoko tsa Kereke." A thetha ka hore matlapa ana a bona a fumaneha ho Fr. Phoofolo 'mishoneng oa St. Rose Peka le ho Fr. Pita mane Villa Maria Seterek-eng sa Quthing. A leboha Kopano ea habo e ba lu-melletseng ho holisa le ho matlafatsa talenta ea bona ea 'mino ka ho hatisa mat-



Mollo, Lillo tsa ka, Makhot-la a Leholimo le Morena ke Molisa oa ka. A re morero o moholo oa CD ena ea bona ke ho khothatsa, ho hlakola meokho, ho tlatsa ka tšepo

lapa. "Re rata ho kenya let-soho boitjarong ba Kopano sebakeng sa ho phatlalatsa molaetsa oa litaba tse mol-emo ho mafutsana." Ke Fr Pita eo.

2024-2025 SELEMO C

SONTAHA SA 33 HAR'A SELEMO



Malakia 4:1-2
Pesalema 97
Ba-Thess. 3:7-12
Luka 21:5-19



Khothatso

Le tla pholosa bophelo ba lona

Bana b'eso lipalo tsa kajeno li fana ka molaetsa o hlakileng mabapi le lintlha tse latelang: toka, mosebetsi oa botšepeli 'moho le tšepo. Malakia o supa letsatsi le tlang la toka, pesa- lema e tlotlisa molao oa Morena Molimo, ebe Paulosi o bua ka tšebetso e tsitsitseng le ho phela bophelo ba 'nete. Luka o fana temoso mabapi le tšepiso ea bohlale le tšireletso. Joalokaha selemo sa Kereke se fihla pheletsong, Kereke ka Sontaha sena e lakatsa hore balumeli ba shebe bophelo ba bona ba moea ka mokhoa o tebileng pele ho Mokete oa Kriste-Morena 'moho le Advente. Balumeli ba khothaletsoa ho hlahloba lintho tsa bohlokoa, ho lokisa lika-mano tse senyehileng le ho nchafatsa bosebeletsi ba bona. Evangelii ea Luka e bolela matšoa a tšosang nakong ea leeto la tu-melo; e bua ka ho oa ha Tempele, litsekisano tse ngata le ho tjekelela ha batho haholo nakong eo ba hlahang kapel'a Makhotla a Molao. Nako ena ha e fihla balumeli ba khothaletsoa ho sheba matšoa ntle le letsoa-lo hobane Morena Molimo o fana ka bohlale boo lira tsa bona li ke keng tsa bo hanyetsa. Tšepiso ena e fa lipaki ho bua phatlalatsa 'me li tšepile Moea ho li tataisa ka mantsoe le liketso ka nako e nepahetseng. Lehloeo kapa lintoa li tla hlaha bathong ba haufi le lona kapa sech-abeng, empa le nke maemo ana a le bohlokoa hore le phatlalatsa mo-laetsa oa evangeli haholo oa lerato. Ho phehella hoa hlokalahala hobane ho kopanya bopaki, thapelo le tsotello ea bohle e le hore ho se be le ea emang a le mong. Evangelii e kopa balumeli ho lebella khanyetso e le hore ba se makale ha e fihla, mantsoe a bohlale le sebete sa ho paka ka nako ea teng le hore toka ke ea Molimo leha tsa lefatše li tšoenya hakaalo. Morero bekeng ena ke ho etsa bonnete ba hore lipalo tsa kajeno li fetoha litloaello tse tla tliša mahlohonolo sechabeng le baahisaneng. Nka motsotso letsatsing ho rapela Pesalema ea 98, o bolele lintho tse khethileng tseo Morena a u etselitseng tsona. Hobane thapelo ea 'nete e thusa pelo ho tsitsa le ho ba le teboho nakong ea matšoenyeho. Se-belisa mantsoe a Paulosi ho sebeletsa toka le ho thusa ba bang ntle le leeme. Mesebetsi e menyenyane ea boikarabello e aha tšepo 'me e bontša mesebetsi ea evangeli sechabeng. Ha maemo a hlile a le boima haholo kopa Morena ho u fa bohlale pele u ka ahlamisana molomo ua hau. Etsa thapelo e khutšoanyane empa e matla "Morena tataisa mantsoe a tsoang lelemeng la ka." Mantsoe ao a ka kokobetsa maikutlo le ho fana ka bopaki bo hlakileng. Khetha mek-hoa e tla bebofatsa lintho e le hore phehello le mamello li tsebe ho hola. Ithute ho ba le moea oa poelano 'me u qetelle letsatsi ka boinahano ka sepheo sa ho beha bophelo matsong a 'Mopi. Sontaha sena se etellapele Mokete oa Kriste-Morena, ka hona Bakriste ba lokela ho sheba motsotso ona e le phetheho. Bakriste nch-afatsang tšepo ea lona ho Ea busang lefatše. Toka, mesebetsi e tsitsit-seng 'moho le phehello li fetoha molaetsa oa bohlokoa oa evangeli. Ho itokisetse Mokete ona le tšoanetse ho etsa liketso tsa boichafatso e leng: thapelo, bosebeletsi kapa poelano. Lintho tsena li thusa Mokriste ho tlo-ha nakong e har'a selemo ho phatlalatsa Borena ka Kriste ka sebete. Tsoelapele ho rapela Pesalema ea 98, sebetsang ka botšepeli le se-riti, paka ka sebete hape le hlokomele le ho thusa ba tlokotsing. Liketso tseo li bonahalang li le nyenyane li tla ba matlafatsa bophelo le ho bo nchafatsa nakong e tlang.

Bahalaleli har'a Beke

- | | | |
|----|------------|---------|
| 17 | Pulungoana | Hilda |
| 18 | Pulungoana | Mawes |
| 19 | Pulungoana | Machar |
| 20 | Pulungoana | Crispin |
| 21 | Pulungoana | Hilary |
| 22 | Pulungoana | Maurus |

O ba khoba matšoafo

Tšeliso Thakholi

Kamor'a ho bontša ho se khotsofale ha batšehetsi ba sehlopha sa Bantu ke kamoo sehlopha sa bona se ileng sa bapala ka teng lipapaling tse tsoa feta tsa Liki e Kholo ea Vodacom, Mokoetlisi oa sehlopha Monghali Motheo Mohapi o ba tlatsitse ka matla a macha le ho ba tsosa morolo, ka ho teteka le ho tlonlolla LUFC ka ho e rabella ntle ho qenehelo ka phafa ea 4-1 Lebaleng la Bambatha, Maseru ka la 9 Pulungoana 2025.

Mokoetlisi kamor'a papali ena eo ba ileng ba e hlola o ile a ipiletsa ho batšeheli ba Bantu ho ba le mamello le ho ba tšehetsa ka linako tsohle e le hore ba tle ba tsebe ho ba bapalla bolo e tsoileng matsoho. A re empa h'a bolele hore ba mamelle leha Bantu e ntse e hloloa "empa ke batla ba tsebe hore ba tsoanetse ho fumana sephetho sa bona empa nako eo lintho li sa tsamaeng hantle ba lokela hore tšehetse."

A re batšehetsi ba hopole hore ke bona beng ba sehlopha sena, "me ke bona beng ba rona 'me ha u ka bona mong'a hau e le eena ea tsoileng letšolo ho u tšehetsa nakong eo u nang le mathata u ba morolo ho feta nako efe kapa efe. Ha ba tsebe hore ke bona beng ba rona." Ka hona ha ba ka bona leha ba sebetsa hantle kapa hampe ba e-oa ba tsoha le bona, ba tla tsoha morolo 'me ba sebetse ka thata ho ba thabisa ka linako tsohle.

A tiisa hore sephetho seo ba ileng ba se fumana nakong e fetileng ha se seo ba neng ba se lebeletse ho latela moo ba leng teng lokong, empa seo ba se fumaneng kajeno sa ho hapa papali ke seo ba neng ba se hloka. A hlokomelisa batšehetsi hore ka nako e 'ngoe ha ba sa fumane lintho tseo ba neng ba li hloka ha ba lokele hore ba khathale matla, empa ba tsoanela ho tseba hore ke tse ling tsa litsietsi tsa tsela "hore e ka 'na ea re u itokisitse hantle eaba lintho li fihla li hana."

Motheo o re leha ba sa ka ba fumana seo ba neng ba se batla nakong e fetileng, ha ba ka ba khathala matla empa ba ile ba 'na ba tsoelapele ho itokisa ho fihlela ba fumana sephetho seo ba neng ba se hloka. A re eena h'a na khatello ea letho ka lebaka la maemo a nako e



fetileng a neng a hloabaetsa kahar'a sehlopha sa Bantu ka bo-sona, ba se qalile fatše ka libapali tse hlahang lihlopheng tse fapakaneng 'me libapali tsa khale li peli feela hajoale.

A bontša hore ntho e ntse e sebetsa ho Bantu hona joale ke ea hore libapali ha li e-s'o tsebane hantle. "Ha ba e-s'o tloaelane ho lekana, 'me ntho eo ha e fihla ea hore ba se ba tloael-

ane ho lekana ke mane moo re tla bona sehlopha sa rona se sebetsa hantle haholo." O boletse joalo a bile a eketsa hore bona e le bakoetlisi ba ba behile moo ho hlokalalang empa bothata

bana ke ea tse ling tse ntse li ba kenyetse metsi ka moeli, 'me eena h'a na khatello ea letho hoba o ntse a bona hore leseli le tli'o hlaha haufinyane. A kopa batšehetsi hoba le mamello.

Ba batla ho ba kahar'a Top 4

Tšeliso Thakholi

Motlatsi oa Mokoetlisi oa Sehlopha sa Bolo ea Maoto sa Basali sa Mawes Ladies, Liabo Tholo o re ba batla ho bona sehlopha sa bona se le kahar'a lihlopha tse 'ne tse kaholimo lokong, ha selemo sa lipapali se fihla pheletsong isao. O buile tsena kamor'a ho bapala ka 0-0 le sehlopha sa Mphaki H.S. Ladies papaling e bileng matla haholo e neng e bapalloa Lebaleng la Ha Ratjomose, Maseru ka la 9 Pulungoana 2025.

O boletse hore monongoaha sehlopha se imatlafalitse haholo e le hore ba



se hlole ba theohela maemong a ka tlase a Liki joaloka ngoahola-kola. "Morero ke hore ha selemo sena sa lipapali se fela re be re ntse re le teng kahare ho Lesotho Women Super League, 'me re tla ba le meralo e meng ha selemo sa lipapali

se fela." A rialo.

A hlalosa hore ba hliile ba itokisitse haholo linthong tse batlang li le ngatanyana tse kenyeletsang har'a tse ling bokoetlisi le libapali. A re pejana ho ne ho bonahala libapali tsa bona li le bongonanana haholo hore li ka ba-

pala bolo ea maoto, empa ba ile ba lokisa boemo ho ba thusa ho utloisisa hore bolo ea maoto e batla batho ba matla. A re ba boetse ba ba lokisa le ka lihlohang ho ba tlosa letsoalo leo ho neng ho bonahala ba ntse ba e-na le lona. "E kholo ka ho fetisisa ke hore re ile ra lokisa mokhoa oo ba bapalang ka ona." O boletse joalo.

A bontša hore leha ba ile ba lahlehela ke lipapali tse peli ha Liki e qala, 'me kajeno ba bapetse ka ho lekana moralo oa bona ha o'a fetoha ho latela maemo a papali eo ba e bapetseng kaha ba bile le menyetla e mengata haholo ea ho hapa papali empa lehlohonolo la ba pota ka thoko. A re ho latela moralo oa bona sepheo se seholo e ne e le ho hapa papali ho latela leoa leo ba neng ba le sebelisa le hoja ba sa ka ba atleha.

A tiisa hore haele monongoaha ba ke ke ba hlola ba theohela tlase hape, empa ba batla hore ha mokhahlelo oa pele oa lipapali tsa Liki o fihla pheletsong, ba be ba le kahar'a tse 'ne tse kaholimo lokong. "Re ka thaba haholo ha re ka iphumana re le maemong a bone kapa a bohloko hobane e tla be e le bohareng ba Liki, 'me re tla be re fihletse sepheo sa rona sa hore re tla be re ntse re le kahar'a Liki e Kholo. Ke batla re tsitse hantle re ntse re sa tsoha hore re tlokotsing ea ho rathoa ke selepe." Ke eena eo.



Likuena lipapaling tsa setsoalle

Tšeliso Thakholi

Sehlopha sa Naha sa Bolo ea Mao-to sa Likuena se kene kampong ka 'Mantaha oa la 10 Pulungoana, e le ho qala boikoetliso ba sona bo matla ho itokisetša lipapali tse peli tsa machaba tsa setsoalle khahlanong le Naha ea Malawi, tse tlang ho bapalloa Bloemfontein, Afrika Boroa ka la 15 le la 18 Pulungoana 2025.

Lihlopha tsena ka bobeli ha li qale ho kopana kaha li ne li ile tsa kopana ka makhetlo a mahlano lipapaling tsa setsoalle le tsa Mohope oa COSAFA, moo ka selemo sa 2019 li neng li bapale ka seahlolo sa 1-1 papaling ea setsoalle. Ka selemo sa 2022 Likuena ea shashara Malawi ka thupa ea 2-1 ho COSAFA. Ka selemo sa 2023 tsa boela tsa bapala ka 1-1 lipapaling tsa setsoalle le ho COSAFA.

Lipapaling tsena tseo Likuena e il'o bapala ho tsona, Mokoetlisi Leslie Notši o matlafalitse sehlopha sa hae ka ho etsa liphetho tse seng kae, ho tiela Basotho tlhoho le ho ntlafatsa



Lesotho mathathamong a FIFA le CAF. O ekelitse lithibathibane ka ho kenyeletsa Katleho Mochesane ho tsoa sehlopheng sa LMPS, 'me mohlankana enoa ke lekhetlo la hae la pele a kena kahar'a Sehlopha sa Naha.

A boela a eketsa Sehlopha sa Naha ka libapali tse

ncha e leng Katleho Mapola le Tumelo Shai ho tsoa Sehlopheng sa Majantja, Tholang Makuru ho hlaha ho sa Lioli le ho khutla ha Lehlohonolo Fothoane kamor'a ho fumana kotsi ea nako e telele. Ho feta mona boholo ba libapali tse khethetsoeng Sehlopha sa Naha ke tseo boholo ba tsona li neng li

sa tsoa bapala lipapali tsa ho qetela tsa ho phunyeletsa ho ea Mohopeng oa Le-fatše.

Ho ea ka Mohlanka oa Liphatlalatso oa LeFA, Monghali Mikia Kalati taba ea bohlokoa haholo ke hore lipapali tsena tse peli Likuena e li hlole kaha li tli'l'o e thusa ho e matlafatsa

mathathamong a FIFA le CAF. "Ho feta mona e tla be e le tlotla e kholo ho libapali ha li tla be li amohela President e ncha ea LeFA Monghali Lijane Nthunya ka tlhoho ea pele kamor'a hore a kene ofising." A rialo.

Potsong ea hore na Jane Thabantšo kamor'a hore a nehelane ka lengolo la hore o fanyeha lieta Sehlopheng sa Naha, na e ntse e tli'l'o ba karolo ea Sehlopha sa Naha se tlang ho bapala lipapali tsa machaba tsa setsoalle. O tiisitse hore ke 'nete lengolo le joalo ba le amohetse feela Jane o tla be a ntse a le teng lipapaling tse-na tsa setsoalle tse qalang mafelong ana a beke.

A ipiletsa ho barati le batšehetsi ba bolo ea maoto ho ea ka bongata Bloemfontein ho ea tšehetsa sehlopha sa bona, e le ho se fa morolo hore se tle se sebetse hantle le ho amohela President e ncha ea LeFA. A qetella ka hore lipapaling tse fetileng kamor'a ho hlola Naha ea Zimbabwe, Lesotho le ile la e ba har'a linaha tsa lefatše tse ileng tsa nyoloha ka linoko tse ngata haholo mathathamong a FIFA le CAF, 'me ka papali ea Malawi ba lokela hore ba matlafatse haholo boemo boo ba se hlole ba theoha.

E halala banka

Tšeliso Thakholi

Mafelong a beke ena ka Sontaha barati ba papali ea Basketball ba ile ba boha ha lihlopha tsa bona tsa Liki ea mekaubere e tsejoang haholo ka lebitso la NBL/Corp League, li nkhisetsana mahafi, lipapaling tse etellang pele tsa ho qetela tsa liki tse bileng Lebaleng la Ha Ratjomose, Maseru ka la 9 Pulungoana monongoaha moo sehlopha sa Standard Lesotho Bank se ileng sa apereloa ke masoabi ha se ne se bolaisoa lesoai ke sa Vodacom ka 63-55.

Leha sehlopha sa Standard Lesotho Bank e le se sehoho ha kalo, e se e le tloaelo hore Vodacom e se tlotlolle le ho se bolaisa phafa khafetsa lipapaling tsa liki. Kajeno e boetse e entse pale kaho e pheta, 'me sena ke sesupo sa hore Banka e Putsoa e lokela ho ithahloba hantle e le hore ha li kena mokhahlelong oa bobeli e be e lokisitse moo e fokolang teng.

Ho feta mona lihlopha tse ling tse ileng tsa koebana ke moo papaling ea pele LNIG Hollard e ileng ea kopana le pela li falla ha e ne e poloa ke LUCT ka 61-33, papaling e hlhlamang Simple Talent(ST) ea hlola NedBank ka 59-49 ha BKM Alumni e

ile ea teteka LCE ka 91-50. Ka bomalimabe papali ea ho qetela e neng e lokela ho ba lipakeng tsa Shooting Rafles le KTA ha e ea ka ea tsoelapele ka lebaka la maemo a neng a sa jese litheohelang a lipula tsa matlopo-tlopo tse ileng tsa tšoloha. E se e tla khetheloa letsatsi le leng leo e tlang ho bapala ka lona.

Ho ea ka ba bang ba barati ba papali ea Basket-

ball papali ena leha e ntse e le kahar'a mathata a mangata a tsekisano ea matla, e ntse e na le bokamoso bo chabileng kaha libapali tsa mehleng li ntse li e rata le ho ba teng kamehla ho tšehetsa ba bacha.

Ba re lipapali tsa mofuta ona li ba thusa ho ba hlabolla le ho fana ka morolo ho ba ntseng ba hola. Ba re liki ena ea ba baholo e boetse e bohlokoa haholo kaha e

tla thusa ho hohela bana ba bangata ho itahlela ka setotsoana papaling ea Basketball. Ba ipiletsa ho bafani ho tšeha papali ea Basketball e le hore e tle e tsebe ho hola.

Ho sa le joalo, lihlopha tsa Liki e Kholo ea Basketball tse neng li bapalla Mabaleng a LCE ka Moqebelo li ile tsa ema tjena: LCE 52-47 Razz, BKM Rebels 94-36 LUCT, BM Alumni 98-43 SR, SLB 48-51 ETL le KTA 66-56 LP.



Mazenod BOOK CENTRE

27 350 562 / 57396597 (whatsapp)
bookcentre@mazenodprinting.co.ls

akello

Malebela

Mantlato

REKOTHOPO

REKOTHOPO

SCHOOL BOOKS

now available on the Akello Online Library!

Here's how to access them:

1. Download the Akello Reading App.

2. Search for the book you want.

3. Purchase or subscribe online.

4. Download the book.

Enjoy reading offline anytime on the Akello App.

https://library.akello.co/